



Universitätsbibliothek Paderborn

**Doctor Mellifluus S. Bernardus Magnæ Matris Cultor
Eximius, Et Ex Ordine Sancti Benedicti Sacellanus
Quartus. Sive Ea quæ Doctor mellifluus de laudibus
Virginis Matris scripsit in gratiam magnæ ...**

Bernardus <Claraevallensis>

Nevhsii, MDCLXXV.

Tomus I. Ex Tomo primo Doctoris melliflui, qui continet Epistolas, nihil speciale occurrit proposito serviens, quàm Epistola 174 ad Canonicos Lugdunensis super immaculata Conceptione, quam ad finem ...

urn:nbn:de:hbz:466:1-37156

TOMUS I.

Ex Tomo primo Doctoris melliflui, qui continet Epistolas, nihil speciale occurrit proposito seruiens, quàm Epistola 174. ad Canonicos Lugdunenses super immaculata Conceptione, quam ad finem operis certas ob causas remitto.

TOMUS II.

Ex Sermone secundo de Adventu, num. 4. et 5.

HX his manifestum jam arbitror, quænam sit virga de radice Jesse procedens: quis verò flos super quem requiescit Spiritus sanctus? Quoniam *Virgo Dei Genitrix Virga est, Flos Filius ejus.* Flos itaque filius virginis, flos candidus & rubicundus, electus ex millibus. *Cant. 5.* Flos in quem prospicere Angeli desiderant, flos ad cujus odorem reviviscunt mortui: & sicut ipse testatur, *flos campi est, & non horti.* Campus enim sine omni humano floret adminiculo, non seminatus ab aliquo, non defossus sarculo, non impinguatus fimo. Sic omnino, sic virginis alvus floruit, sic inviolata, integra & casta MARIE viscera; tanquam pascua æterni virosis florem protulere, cujus pulchritudo non videat corruptionem, cujus gloria in perpetuum non marcescat. O Virgo virga sublimis, in quam sublime verticem sanctum erigis! usque ad sedentem in throno, usque ad Dominum majestatis. Neque enim id mirum, quoniam in altum mittis radices humilitatis. O verè cœlestis planta, pretiosior